

Na osnovu člana 22. i 24. stav 3. Zakona o Vladi Kantona Sarajevo ("Službene novine Kantona Sarajevo", br. 24/03 - Prečišćeni tekst), člana 34. Zakona o ustanovama ("Službeni list RBiH", br. 6/92, 8/93 i 13/94) i člana 13. stav 2. Odluke o osnivanju Javne ustanove "Sarajevski ratni teatar - SARTR" ("Službene novine Kantona Sarajevo", br. 3/99 - Prečišćeni tekst, 31/07 i 1/13), Vlada Kantona Sarajevo, na 23. sjednici održanoj 28.05.2013. godine, donijela je

## RJEŠENJE

### O IMENOVANJU PREDSEDNIKA I ČLANOVA NADZORNOG ODBORA JAVNE USTANOVE "SARAJEVSKI RATNI TEATAR - SARTR"

#### I

U Nadzorni odbor Javne ustanove "Sarajevski ratni teatar - SARTR" imenuju se:

1. Ratko Orozović, predsjednik
2. Gordana Hrenovica, član
3. Asim Gadžo, član

#### II

Mandat predsjednika i članova Nadzornog odbora traje četiri godine.

#### III

Ovo rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-15617-11.2/13  
28. maja 2013. godine  
Sarajevo

Premijer  
Suad Zeljković, s. r.

## Ministarstvo stambene politike

Na osnovu člana 42. stav (2) Zakona o održavanju zajedničkih dijelova zgrade i upravljanju zgradom ("Službene novine Kantona Sarajevo", broj 3/12), ministar stambene politike Kantona Sarajevo, donosi

## UPUTSTVO

### O DOPUNAMA UPUTSTVA O IZRADI OBRASCA "ZAPISNIK SA SKUPA ETAŽNIH VLASNIKA"

#### Član 1.

U Uputstvu o izradi obrasca "Zapisnik sa skupa etažnih vlasnika" ("Službene novine Kantona Sarajevo", broj 15/12) u članu 8. iza stava (1) dodaje se stav (2) koji glasi:

"(2) Podaci iz stava (1) tač. c), h) i i) ovog člana upisuju se u obrazac ZS-1 samo kada se donosi odluka o izboru upravitelja zgrade, izboru predstavnika etažnih vlasnika, promjeni upravitelja zgrade i promjeni predstavnika etažnih vlasnika".

#### Član 2.

U članu 10. iza stava (2) dodaje se stav (3) koji glasi:

"(3) U zapisniku sa odlukom etažnih vlasnika, koji se u smislu člana 64. stav (4) Zakona postavlja na oglasnu ploču, lični podaci iz člana 8. stav (1) tač. c), h) i i) ovog Uputstva učiniti će se nevidljivim, radi zaštite privatnosti etažnih vlasnika".

#### Član 3.

Ovo Uputstvo stupa na snagu narednog dana od dana objavljivanja u "Službenim novinama Kantona Sarajevo".

Broj 27/01-02-16179/13  
28. maja 2013. godine  
Sarajevo

Ministar  
Čedomir Lukić, s. r.

## Ministarstvo za rad, socijalnu politiku, raseljena lica i izbjeglice

Na osnovu člana 112 a. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10, 26/12 i 15/13), ministar za rad, socijalnu politiku, raseljena lica i izbjeglice Kantona Sarajevo donosi

## PRAVILNIK

### O PROCEDURI IZBORA I IMENOVANJA DIREKTORA JAVNIH USTANOVA IZ OBLASTI SOCIJALNE ZAŠTITE

#### Član 1.

(Predmet pravilnika)

Ovim pravilnikom se reguliše procedura izbora i imenovanja direktora javne ustanove iz oblasti socijalne zaštite (u daljnjem tekstu: ustanova), odnosno objavljivanje javnog konkursa, formiranje komisije za utvrđivanje liste kandidata koji ispunjavaju uslove konkursa, provođenje intervjua i druga pitanja u vezi sa izborom i imenovanjem direktora ustanove.

#### Član 2.

(Procedura koja prethodi objavljivanju konkursa)

- (1) Upravni odbor ustanove (u daljnjem tekstu: upravni odbor) objavljuje konkurs za izbor i imenovanje direktora najmanje 60 (šezdeset) dana prije isteka mandata direktora ustanove.
- (2) Upravni odbor može objaviti konkurs za izbor i imenovanje direktora ustanove (u daljnjem tekstu: konkurs) nakon pribavljene saglasnosti ministra za rad, socijalnu politiku, raseljena lica i izbjeglice Kantona Sarajevo.

#### Član 3.

(Objavljivanje konkursa)

- (1) Upravni odbor objavljuje konkurs u jednom dnevnom listu.
- (2) Upravni odbor objavljuje konkurs i na web stranici ustanove.

#### Član 4.

(Rok za okončanje postupka po objavljenom konkursu)

Upravni odbor je dužan okončati postupak po konkursu u roku od 45 (četrdesetpet) dana od dana objavljivanja u dnevnom listu.

#### Član 5.

(Sadržaj konkursa)

Konkurs sadrži:

- a) naziv ustanove i organ koji objavljuje konkurs,
- b) uslove koje kandidat treba da ispunjava,
- c) dokaze o ispunjavanju uslova, sa naznakom koji dokazi će se dostaviti uz prijavu na konkurs (u daljnjem tekstu: prijava), a koji dokazi se pribavljaju naknadno,
- d) rok za podnošenje prijave na konkurs sa naznakom adrese na koju se prijava dostavlja i načina dostavljanja prijave.

#### Član 6.

(Dostavljanje dokaza o ispunjavanju uslova konkursa)

- (1) Prijavu i dokaze o ispunjavanju uslova konkursa kandidati su dužni dostaviti u roku od osam dana od dana objavljivanja konkursa u dnevnom listu.
- (2) Uz prijavu se prilaže kratka biografija i dokazi o ispunjavanju uslova (original ili ovjerena kopija), kako slijedi:
  - a) Uvjerjenje o državljanstvu (ne starije od šest mjeseci),
  - b) Izvod iz matične knjige rođenih, ne stariji od šest mjeseci, osim ako se radi o dokumentu koji je trajnog karaktera,
  - c) Diploma o stečenom visokom obrazovanju,
  - d) Uvjerjenje/potvrda o radnom stažu,
  - e) Ovjerena izjava kod nadležnog organa da kandidat nije predsjednik i član upravnog odbora i predsjednik i član nadzornog odbora bilo koje ustanove nezavisno od oblasti